

Y Pwyllgor Cyfrifon Cyhoeddus a Gweinyddiaeth Gyhoeddus

Public Accounts and Public Administration Committee

John Davies,
Llywydd Undeb Cenedlaethol yr Amaethwyr
(NFU Cymru)
Aled Jones
Dirprwy Lywydd
NFU Cymru
Drwy e-bost
NFUCymru@nfu.org.uk

Senedd Cymru
Bae Caerdydd, Caerdydd, CF99 1SN
SeneddCCGG@senedd.cymru
senedd.cymru/SeneddCCGG
0300 200 6565

Welsh Parliament
Cardiff Bay, Cardiff, CF99 1SN
SeneddPAPA@senedd.wales
senedd.wales/SeneddPAPA
0300 200 6565

13 Hydref 2021

Annwyl John ac Aled

Cynllun Datblygu Gwledig Cymru 2014–2020 – Darpariaeth Llywodraeth Cymru

Cyfeiriaf at fy ateb dros dro ar 21 Gorffennaf.

Erbyn hyn, mae Llywodraeth Cymru wedi ymateb i'm llythyr yn rhoi diweddariad ar gynnydd Llywodraeth Cymru wrth ddarparu'r Cynllun Datblygu Gwledig, yn enwedig unrhyw welliannau sy'n cael eu gwneud i'r broses o wneud cais ac asesiad o lefel y risg y bydd cronfeydd sydd heb eu gwario yn cael eu fforffedu. Atodaf gopi o'r ymateb.

Mae Llywodraeth Cymru'n nodi bod gwelliannau wedi'u cyflwyno yn y broses o wneud cais, yn sgil proses un cam o wneud cais gan ddefnyddio porth ar-lein Taliadau Gwledig Cymru, a ddarperir gan Lywodraeth Cymru. At hynny, mae Llywodraeth Cymru'n nodi bod y broses newydd wedi'i dylunio i gipio a defnyddio'r holl wybodaeth mewn un system, gan symleiddio'r broses arfarnu a chymeradwyo hawliadau ar gyfer buddiolwyr.


Yn ogystal, mae Llywodraeth Cymru yn nodi ei bod ar hyn o bryd yn cynnal ymarfer i wirio agweddau ar weinyddu a chyflawni prosiectau unigol – er enghraifft, gofynion tendro cystadleuol – cyn i'r gwiriadau gweinyddol ffurfiol sydd ar waith ar hyn o bryd gael eu cynnal tuag at ddiwedd prosiect.

Yn olaf, cyhoeddodd y Gweinidog Materion Gwledig a Gogledd Cymru gyhoeddiad ar 21 Medi 2021 y byddai pecyn o ymrwymadau pellach – gan gynnwys elfen resymol o or-raglennu – i'w wneud trwy'r

Cynllun Datblygu Gwledig. Y gobaith yw y dylai'r dull hwn liniaru ymhellach y risg y bydd arian nas gwariwyd yn cael ei fforffedu.

Os hoffech i ni ystyried hyn ymhellach, gadewch i mi gael eich adborth.

Yn gywir

A handwritten signature in black ink, appearing to read 'Mark Isherwood', written over a horizontal line.

Mark Isherwood AS
Cadeirydd y Pwyllgor



**Y Pwyllgor Cyfrifon Cyhoeddus a
Gweinyddiaeth Gyhoeddus**

**Public Accounts and Public
Administration Committee**

John Davies
Llywydd NFU Cymru
Aled Jones Dirprwy Lywydd NFU Cymru

Drwy'r e-bost:
NFUCymru@nfu.org.uk

21 Gorffennaf 2021


Annwyl John ac Aled

Y Pwyllgor Cyfrifon Cyhoeddus a Gweinyddiaeth Gyhoeddus

Diolch am eich llythyr dyddiedig 6 Gorffennaf a'ch geiriau caredig wedi imi gael fy ethol yn Gadeirydd y Pwyllgor Cyfrifon Cyhoeddus a Gweinyddiaeth Gyhoeddus. Mae'n anrhydedd imi gael fy ethol yn Gadeirydd ar y Pwyllgor dylanwadol hwn.

Yn dilyn yr ohebiaeth flaenorol rhyngoch chi a fy rhagflaenydd ddiwedd 2020/dechrau 2021 ynghylch y modd roedd Llywodraeth Cymru yn rhoi Cynllun Datblygu Gwledig Cymru 2014-2020 ar waith, rwy'n ysgrifennu at Lywodraeth Cymru yn holi am y sefyllfa ddiweddaraf ers yr ymateb a gafwyd ganddynt yn gynharach eleni. Byddaf yn ysgrifennu atoch i roi rhagor o wybodaeth ichi wedi i'r wybodaeth hon ddod i law.

Yn gywir,



Mark Isherwood AS
Cadeirydd y Pwyllgor

Senedd Cymru

Bae Caerdydd, Caerdydd, CF99 1SN
SeneddCCGG@senedd.cymru
senedd.cymru/SeneddCCGG
0300 200 6565

Welsh Parliament

Cardiff Bay, Cardiff, CF99 1SN
SeneddPAPA@senedd.wales
senedd.wales/SeneddPAPA
0300 200 6565